



REPUBLIKA E SHQIPËRISË

**KËSHILLI I LARTË GJYQËSOR**

Nr. \_\_\_\_\_ Prot.

Tiranë, më \_\_\_\_\_.\_\_\_\_.2023

**VENDIM**

**Nr. 705, datë 30.11.2023**

**PËR**

**KUALIFIKIMIN PËR EMËRIMIN DHE PRANIMIN NË SHËRBIMIN CIVIL  
GJYQËSOR TË ZNJ. {...} PËR POZICIONIN E KËSHILLTARIT LIGJOR NË  
NJËSINË E SHËRBIMIT LIGJOR PRANË GJYKATËS SË LARTË**

Këshilli i Lartë Gjyqësor, mbështetur në nenin 147/a, pika 1, shkronjat “d” dhe “ë”, të Kushtetutës së Republikës së Shqipërisë, në nenet 61, 90, pika 1, shkronja “c” dhe “h” dhe 97, pika 1, shkronja “a”, të ligjit nr. 115/2016, “Për organet e qeverisjes të sistemit të drejtësisë”, i ndryshuar, në nenet 34, 36, 53 dhe 59, të ligjit nr. 98/2016, “Për organizimin e pushtetit gjyqësor në Republikën e Shqipërisë”, i ndryshuar, në vendimin nr. 424, datë 12.10.2020, “Për procedurën e verifikimit të kushteve dhe kriterëve ligjore të rekrutimit të kandidatit për kancelar, për këshilltar ose për ndihmës ligjor”, si dhe në vendimin nr. 222, datë 08.05.2023, “Për kualifikimin e kandidatit fitues për në Programin e Formimit Fillestar të Shkollës së Magjistraturës, viti akademik 2021 – 2022, profili këshilltar ligjor, znj. {...}”, pasi shqyrtoi relacionin dhe materialet përkatëse, mbi propozimin e Komisionit të Planifikimit Strategjik, Administrimit dhe Buxhetit,

**V Ë R E N**

**I. MBI FAKTET E PROCESIT TË KUALIFIKIMIT DHE VIJIMIT TË  
PROCEDURËS SË EMËRIMIT NË SHËRBIMIN CIVIL GJYQËSOR TË ZNJ. {...}**

1. Me vendimin nr. 138, datë 02.04.2021, Këshilli i Lartë Gjyqësor (në vijim Këshilli) konstatoi se znj. {...} plotësonte kriteret për të marrë pjesë në provimin e pranimit në Programin Fillestar në Shkollën e Magjistraturës, për vitin akademik 2021-2022, profili këshilltar ligjor. Ky verifikim u krye bazuar në nenet 34 pika 6, 53 pika 4, 55 dhe 56, të ligjit nr. 98/2016, “Për organizimin e pushtetit gjyqësor në Republikën e Shqipërisë” (në vijim si “Ligji për Pushtetin Gjyqësor”).
2. Me vendimin 501, datë 25.10.2021, “Për një shtesë në vendimin nr. 217, datë 26.05.2021, për fillimi e procedurës së verifikimit të kandidatëve fitues në provimin e pranimit në Programin e Formimit Fillestar në Shkollën e Magjistraturës, për këshilltar dhe ndihmës

ligjorë, viti akademik 2021-2022 të Këshillit të Lartë Gjyqësor”, mbështetur në nenin 53, të ligjit “Për Pushtetin Gjyqësor”, si dhe në Vendimin e tij nr. 424/2020, “Për procedurën e verifikimit të kushteve dhe kriterëve ligjorë të rekrutimit të kandidatit për kancelar, për këshilltar ose për ndihmës ligjor”, Këshilli, ka filluar procedurën e verifikimit të znj. {...}, si kandidate fituese në provimin e pranimit në Programin e Formimit Fillestar në Shkollën e Magjistraturës, për këshilltar ligjor, viti akademik 2021-2022.

3. Në përfundim të procedurës së verifikimit të pasurisë dhe figurës për pozicionin e këshilltarit ligjor, Këshilli me vendimin nr. 222, datë 08.05.2023 ka vendosur kualifikimin e kandidates fituese znj. {...} dhe lejimin e saj për ndjekjen e Programit të Formimit Fillestar të Shkollës së Magjistraturës, viti akademik 2021 – 2022, profili këshilltar ligjor.
4. Znj. {...} ka ndjekur programin e formimit fillestar për këshilltar ligjor gjatë vitit akademik 2022-2023 në Shkollën e Magjistraturës, pavarësisht se me vendimin nr. 138, datë 02.04.2021, Këshilli i Lartë Gjyqësor ka konstatuar se znj. {...} plotësonte kriteret për të marrë pjesë në provimin e pranimit në Programin Fillestar në Shkollën e Magjistraturës, në vitin akademik 2021-2022. Me Vendimin nr. 43, datë 16.10.2023, “Vlerësimi përfundimtar për kandidatët për këshilltar dhe ndihmës ligjor për vitin akademik 2022-2023”, Shkolla e Magjistraturës e ka vlerësuar kandidaten znj. {...}, me 71.78 pikë.

## **II. VLERËSIMI MBI VERIFIKIMIN E KUSHTIT FORMAL TË PRANIMIT NË SHRBIMIN CIVIL PËR ZNJ. {...}**

5. Për znj. {...} u verifikuan kriteret e përgjithshme për pranimin në shërbimin civil gjyqësor, të përcaktuar në nenin 55, pika 1, të ligjit nr. 98/2016, kushte të cilat përcaktohen si kriteret e përgjithshme të pranimit në shërbimin civil edhe në nenin 21, të ligjit nr.152/2013, “Për nëpunësin civil”, i ndryshuar, si më poshtë:
  - a) *Të jetë shtetas shqiptar* - Për këtë kriter, në dokumentin “Kartë Identiteti”, lëshuar nga Ministria e Brendshme më datë 23.04.2019, pasqyrohet edhe përbërësi i gjendjes civile “shtetësia”, që në këtë rast pasqyrohet “shqiptare”. Nuk rezulton ndonjë e dhënë për lënien ose heqjen e shtetësisë shqiptare për subjektin pas këtij momenti;
  - b) *Të ketë zotësi të plotë për të vepruar* - Për këtë kriter, nuk u gjet ndonjë e dhënë për heqjen apo kufizimin e saj me vendim gjyqësor të formës së prerë;
  - c) *Të zotërojë gjuhën shqipe, të shkruar dhe të folur* - Zotërimi i gjuhës shqipe të folur dhe të shkruar prezumohet për çdo shtetas shqiptar që ka përfunduar arsimin e detyrueshëm;
  - d) *Të jetë në kushte shëndetësore që e lejojnë të kryejë detyrën përkatëse* - Subjekti rezulton se është në kushte shëndetësore të cilat e lejojnë të kryejë detyrën pasi, sipas raportit mjeko-ligjor të datës 15.02.2021, lëshuar nga Qendra Shëndetsore nr. 1, Tiranë, ka rezultuar “I aftë për punë” dhe nuk rezultojnë të dhëna të mëvonshme për cenimin e kësaj aftësie;
  - e) *Të mos jetë i dënuar me vendim të formës së prerë për kryerjen e një krimi apo për kryerjen e një kundërvajtjeje penale me dashje* - Sipas informacionit të përpunuar nga

Struktura e Posaçme pranë KLGJ<sup>1</sup>, referuar dokumentacionit të dërguar nga Drejtoria e Përgjithshme e Burgjeve, rezulton se znj. {...} nuk është i dënuar me vendim penal të formës së prerë. Gjithashtu, nga të dhënat e dosjes personale dhe tërësia e dokumentacionit të administruar gjatë procedurës së verifikimit, nuk rezultojnë të dhëna të mëvonshme që të cenojnë përmbushjen këtij kriteri;

- f) *Ndaj tij të mos jetë marrë masa disiplinore e largimit nga shërbimi civil, që nuk është shuar sipas këtij ligji.* - Për këtë kriter, gjatë verifikimit, sipas vetëdeklarimit të bërë nga znj. {...} në jetëshkrimin (CV) e depozituar në dosjen e saj të aplikimit pranë Shkollës së Magjistraturës, si dhe shënimet në librezën e punës u konstatua se ajo ka qenë e punësuar pranë Operatorit të Shpërndarjes së Energjisë Elektrike si specialiste e çështjeve të OSHEE që nga data 10.11.2010 dhe në vazhdim. Nga shkresa e datës 27.01.2021, e Operatorit të Shpërndarjes së Energjisë Elektrike, e depozituar në dosjen e saj të aplikimit pranë Shkollës së Magjistraturës, rezulton se znj. {...} nuk ka masë disiplinore në fuqi.

### III. KONKLUZIONI

6. Në gjithë sa më sipër, duke konstatuar se znj. {...}:
- plotëson kriteret e përgjithshme dhe të veçanta të pranimit për nëpunësit civil gjyqësor në kategorinë këshilltar ligjor;
  - është kualifikuar në procesin e verifikimit të kriterit të pasurisë dhe figurës, sipas vendimit të KLGJ-së nr. 222, datë 08.05.2023, *“Për kualifikimin e kandidatës fituese për në Programin e Formimit Fillestar të Shkollës së Magjistraturës, viti akademik 2021 – 2022, profili këshilltar ligjor, znj. {...}”*;
  - ka përfunduar me sukses Shkollën e Magjistraturës, e cila me vendimin e saj 43, datë 16.10.2023, *“Vlerësimi përfundimtar për kandidatët për këshilltar dhe ndihmës ligjor për vitin akademik 2022-2023”*, e ka renditur në listën e kandidatëve fitues, duke e klasifikuar me 71.78 % të pikëve, (më shumë se 70% të pikëve në total)

Këshilli vlerëson t’u kualifikojë për emërimin dhe pranimin në shërbimin civil gjyqësor, për pozicionin e këshilltarit ligjor në Njësinë e Shërbimit Ligjor pranë Gjykatës së Lartë.

### PËR KËTO ARSYE

Mbështetur në nenet 61, 90, pika 1, shkronja “h” dhe 97, pika 1, shkronja “a”, të ligjit nr.115/2016, *“Për organet e qeverisjes të sistemit të drejtësisë”*, i ndryshuar, në nenet 34, pika 5, 36, 53 dhe 59 të ligjit nr. 98/2016, *“Për organizimin e pushtetit gjyqësor në Republikën e Shqipërisë”*, i ndryshuar, në vendimin nr. 424, datë 12.10.2020, *“Për procedurën e verifikimit të kushteve dhe kriterëve ligjorë të rekrutimit të kandidatit për kancelar, për këshilltar ose për ndihmës ligjor”*, si dhe në vendimin nr. 222, datë 23.02.2022, *“Për kualifikimin e kandidatës fituese për në Programin e Formimit Fillestar të Shkollës së Magjistraturës, viti akademik 2021 – 2022, profili këshilltar ligjor, znj. {...}”*, Këshilli i Lartë Gjyqësor,

<sup>1</sup>Shkresa me nr. 2781/4 prot., datë 12.04.2021, e Strukturës së Posaçme për Regjistrimin, Administrimin dhe Përpunimin e Formularëve të Vetëdeklarimit pranë Këshillit të Lartë Gjyqësor.

## **VENDOSI:**

1. Kualifikimin për emërimin në shërbimin civil gjyqësor të znj. {...}, në pozicionin e këshilltarit ligjor në Njësinë e Shërbimit Ligjor pranë Gjykatës së Lartë.
2. Pranimin në shërbimin civil gjyqësor të znj. {...}, në pozicionin e këshilltarit ligjor në Njësinë e Shërbimit Ligjor pranë Gjykatës së Lartë.
3. Efektet juridike të këtij vendimi, përfshirë dhe ato financiare, fillojnë me hyrjen në fuqi të këtij vendimi.
4. Një kopje e vendimit i njoftohet znj. {...}, sipas kërkesave të nenit 98, të ligjit nr. 115/2016, “*Për organet e qeverisjes së sistemit të drejtësisë*”, i ndryshuar.

Ky vendim hyn në fuqi menjëherë dhe botohet në faqen zyrtare të internetit të Këshillit të Lartë Gjyqësor, pasi të redaktohet për sigurimin e anonimatit të subjekteve.

**PËR KËSHILLIN E LARTË GJYQËSOR**